

朝鮮史料汇编



中国文献珍本丛书

朝鲜史料汇编（十二）

全国图书馆文献缩微复制中心

高麗史（卷九十六—卷一〇五）

列傳卷第九

高麗史九十六

正憲大夫工曹判書集賢殿大提學

經筵春秋館事兼成均大司成

臣鄭麟趾奉教修

崔思諏

崔思諏字嘉言初名思順後賜今名文憲公冲之孫
自少力學工文文宗朝登第王以思諏名家子博學
多文召入內侍省與語對稱肯王悅宣宗朝拜殿中
少監知尚書戶部事出為西京副留守駕幸西京時
遼使王鼎使思諏為館伴聞鼎每夜獨坐為文以計
取其書奏之乃諫疏也其疏極言遼太平日久不修
武備又言大宋伐南夏事王嘉其擯接之能手詔褒

之令從駕尋除御史大夫改同知中樞院使左散騎
常侍獻宗時拜吏部尚書知樞密院事肅宗初叅知
政事進中書侍郎平章事加守太尉判吏部事大將
軍高文益張洪占李弓濟將軍金子珍等潛圖不軌
思諏按治其罪悉流之南裔以功拜門下侍中賜輔
正功臣號九年守太保以老三上表乞骸骨魏繼廷
曰崔公在官吾輩仰如山斗軍國大事一聽其議今
若告老希國政何時王曲宴壽春宮召思諏赴宴思
諏起為壽王親酌酬之執其手曰卿若因退誰與共
政朕優賢重老不忍從也對曰七十致仕禮也臣已
老毫無益於國願遂歸志王許之肅宗朝加守太師

中書令致仕賜詔書制牒茶藥衣帛鞍馬以示優恩
王嘗賜龍鳳茶思諏進謝詩王和賜之王納思諏壻
李賢謙之女生木子冊為王妃以恩加推誠奉國功
臣大寧郡開侯食邑二千五百戶食實封一千五百
戶思諏入見王賜宴命不拜待以家人礼思諏奏曰
臣年八十無復有望願上享國萬年永保三韓言出
至誠王感涕召思諏子壻兒孫賜花酒扶出還家未
几卒王以燃灯御重光殿觀樂聞思諏卒震悼罷宴
輟朝三日賜賻優厚令百官會葬謚忠景思諏勤謹
公廉不以門地驕人立朝四十余年無少過失為相
議論務存大体不敢輕改舊章門人子弟有來謁者

常訓以事君之道言不及私雖謝事家居憂國之心
終始不衰配享肅宗廟庭子源漆源累官尚書右僕
射漆門下侍郎平章事資諫及文公美柳仁著皆其
女壻門閥之盛一時無比

金存仁

金仁存字處厚初名緣新羅宗室角十周元之後父
上琦登第官至侍郎平章事謚文貞配享宣宗廟庭
仁存性明敏少登科直翰林院歷事宣宗廟庭以
內侍掌奏事不欲久在近密懇求外補由尚書禮部
員外出為開城府使秩滿授起居舍人知制誥遷起
居郎言事忤旨左授兵部員外郎遼使學士孟初至

仁存為接伴初見其年少頗易之嘗一日並轡出郊
雪欲霽茫然無所見唯馬蹄觸地作聲初唱云馬蹄
踏雷乾雷動仁存即應聲曰旗尾翻風烈火飛初愕
然曰真天才也由是情好日篤相唱和及別解金帶
贈之轉吏部郎中兼東宮侍講學士時睿宗在東宮
講論語仁存撰新義進講移中書舍人肅宗薨仁存
告哀于遼自東京抵京師所經州府皆設樂張樂仁
存曰臣來時本國君臣皆服哀哭泣今來上國雖感
恩榮臣子之情不忍聞樂言甚切至遼人許之至朝
見時人乞除吉服舞蹈孟初至幕曰殿庭服色宜從
吉但除舞蹈可笑還拜礼部侍郎諫議大夫王封僧

曩真為王師以仁存為封常使辭曰臣職在諫院已
言封王師不可未蒙俞允又從而為使是欺殿下也
王強之再三固辭不奉旨以內侍柳台樹代之王將
伐東女真大臣皆贊成之仁存獨上疏極諫不報及
尹璫等破女真築九城女真夫窟穴連歲來爭我兵
喪失甚多女真亦厭苦遣使請和乞還旧地群臣議
多異同王猶豫未決仁存言土地本以養民今爭城
殺人莫如還其地以息民今不與必與契丹生釁王
問其故人存曰國家初築九城使告契丹表稱女真
弓漢里乃我旧地其居民亦我編氓近來寇邊不已
故收復而築其城表辭如是而弓漢里酋長多受契

丹官職者故契丹以我為妄言其回詔云遠貢封章
粗陳勢事其間土地之所屬戶口之攸歸已勅有司
俱行檢勘相次別降指揮以此思之國家不還九城
契丹必加責讓我若東備女真北備契丹則臣恐九
城非三韓之福也王然之遷秘書監奉使如宋徽宗
待之甚厚屢賜宴；器皆用白玉仁存以為帝厚哉
國事禮雖異常然覘時事華侈太甚可嘆還至慶源
郡聞父喪以使事付其介遂奔喪不復命時人訕其
失禮歷左散騎常侍翰林學士承旨兵礼戶部尚書
政堂文學叅知政事進守司徒中書侍郎同中書門
下平章事上柱國金兵攻破契丹州郡几尽王以仁

存判西北面兵馬使措置軍務契丹來遠城刺史常
孝孫懼不保率州民泛舟而遁以來遠挹州二城歸
于我仁存遣兵扼其城收兵仗物貨甚多遂拓地界
鴨江為王寘親王兩府于清燕閣命仁存記其事其
文曰王以聰明淵懿篤實輝光之德常尚儒術樂慕
華風故於大內之側延英書殿之北慈和之南別創
寶文清燕二閣一以奉聖宋皇帝御製詔勅書畫揭
為訓則必拜稽肅容然後仰觀之一以集周孔軒雄
以來古今文書目與老師宿儒討論敷暢先王之道
藏焉修焉息焉遊焉不出一堂之上而三綱五常之
教性命道德之理充溢乎四履之間越今年夏召太

傳尚書令帶方公臣輔守太傅尚書令大原公臣傳
守太保齊安侯臣偁守太保通義侯臣儒守太保樂
浪侯臣景庸門下侍郎瑋門下侍郎臣資謙臣緣中
書侍郎臣仲璋叅知政事臣暖守司空臣至和樞密
院使臣執知樞密院事臣字之同知樞密院事臣安
仁等置高舍子清燕閣乃從容謂曰予顧德不類賴
天降康廟社儲社金章偃於三边文執同手中夏凡
立政造事大小云為罔不資稟崇寧大觀以來施設
注措之方其於文閣經筵求訪儒雅遵宣和之制也
深堂密席迎見輔臣法大清之宴也雖礼有豐殺而
優賢尚能之意其敦一也今入朝進貢使資謙賁桂

香御酒。龙凤茗團珍果。宝四来。婦嘉與卿等樂斯盛。
美。目僚皆惶。駭。恐懼。退伏階。陛。辭以固陋。不敢干盛。
礼。王趣令就坐。溫顏以待之。備物以享之。其供帳之
設。器皿之列。觴豆之實。果核之品。則六尚之名珍。四
方之美味。無一不具。復有上国玻璃。瑪瑙。翡翠。犀兕。
瑰奇玩用之物。交錯於案上。壘第控揭。琴瑟鐘磬。安
樂雅正之声。合奏於堂下。王執爵命。近臣監勸曰。君
臣交際。惟以至誠。其各尽量不辭而飲。左右再拜告
旨。而卒爵。或獻或酬。和樂孔皆。及觴酒九行。且令退
息。續有中貴人押賜袞衣宝帶。以將其厚意。烏既而
復召促席而坐。使飲食。各措各自便。或開怀以言笑。

或縱目以觀覽欄楯之外疊石成山庭除之際引水
為沼猶崿萬狀清亭四徹洞庭吳會出勝之趣生而
終宴無憚處之意尽醉劇飲夜艾而罷於是搢紳士
大夫舉欣欣然有喜色而相告曰吾王以慈儉為宝
而無肆溢之行衣不御文繡器不用彫鏤猶慮一夫
之不得所一事之不合度每日焦勞惻沮於宵旰之
中至於燕群臣嘉賓則發內府之宝藏傾上國之異
恩而窮日之力以火繼之猶不以為侈其尊賢重礼
好善忘勢之心實可謂高出百王之上矣臣嘗聞昔
魯公用天子礼樂以化成風俗故於泮宮則先生君
子與之為樂其詩曰魯侯戾止在泮飲酒既飲旨酒

永錫難老燕於路寢則大夫廢士與之相宜其詩曰
魯侯燕喜宜大夫廢士邦國是有既多受祉今吾君
奉天子恩意以寵特臣隣故公卿大夫怀天保報上
之意言語法從賦我有嘉賓之詩瞽師歌工作君臣
相悅之樂惟欣交通禮儀卒度當是時也人靈之和
氣天地之休應上下之報施風俗之化原皆出於飲
食衎衎戴色戴笑之間豈止永錫難老既多受祉而
已耶必當億萬斯千享太平之福而对揚天子永々
無疆之休臣愚且拙遭逢萬幸代價宰府不以臣之
不材特有書事之命辭不獲已謹拜手稽首而強為
記乃命宝文閣學士洪璫書諸石尋如開府儀同三

司判東北面兵馬事兼行營兵馬事王在西京欲行
太子冠礼仁存奏曰冠者礼之始事之重故冠於阼
三加弥尊所以尊其礼而著成人之義也今以元子
之貴冠於外非所以法先王示後代王從之仁存文
名清節冠當代王深器之恩礼優重及仁宗幼冲嗣
位李資謙用事恐及禍懇辭乞退不許一日將赴衙
聞街上童謠曰墜馬歸卧求免愈切遂罷相判秘書
省監修国史王密遣内侍金安問於仁存及李寿曰
欲奪資謙權置散地如何皆对曰上生長外家恩不
可绝况被党與滿朝不可輕動請俟其間王不听及
變起宮闕連燒王避大坐山呼亭嘆曰恨不用金仁

存之言以至於此尋賜綢聖同德功臣號三重大匡
開府儀同三司檢校太師門下侍中金兵入汴邊報
妄傳金入敗北宋師乘勝深入金人不能拒鄭知常
金安等奏曰時不可失請出師應宋以成大功使至
上功業載中國史傳之萬世時王在西京遣近臣馳
問仁存對曰傳聞之事恒多失實不宜聽浮言與旅
以怒強敵且金富軾入宋將還姑待之及富軾還邊
根果虛王以睿宗遺命敦諭起為守太傅門下侍中
判吏部事仁存不獲已就職羸老湏人扶乃行五年
卒輟朝一日命有司賻加禮謚文成配享睿宗廟
庭仁存好學老不釋卷一時詔誥多出其手再掌禮